

# Grond potenzial per üna nouva generaziun da scriptuors

La premiaziun da la concorrenza da scriver «Pledpierla» da Lia Rumantscha ha gnü lö in ün rom famigliar a Zernez.

NICOLO BASS



«Laschai sbuorflar inavant vossas ideas ed impustüt – scrivai inavant!», ha dit Fadrina Hofmann, commembra da la giuria da «Pledpierla» in occasion da la premiaziun in marcurdi i' l'üert dal Chastè da Zernez. Cha la raccolta es statta richa e cha las contribuziuns per la concorrenza da scriver hajan muossà, chi detta ün grond potenzial per üna nouva generaziun da scripturas e scriptuors ladins.


## Rangaziun Pledpierla 2021

Categoria 3./4. classa: 1. Laila Thoma da Cinuoschel: Ils ultims sospirs; 2. Risch Cadonau: Üna bescha raquinta da sia vita; 3. Bruno Fernandes: L'istorgia dal giat nair.

Categoria 5./6. classa: 1. Chiara Fröhlich da Ftan: L'aviöl cull'ala ruotta; 2. Sienna Schucany: Perché?; 3. Lina Margaritta Salzgeber: Set vitas.

Categoria 7.-9. classa: 1. Jon Andri Guler da Brail: Piz Vadret; 2. Eliana Concetta Josty: Il clima as müda – eu müd il clima; 3. Lucia Zanetti/Mara Kern: Il clima dal sport competitiv.

Categoria 17 fin 25 ons: 1. Milena Gottschalk da Strada: Ögliadas; 2. Janic Maskos: Il mamau; 3. Sara Kuntner: Las chosas han müda fatscha.



Ils vendschaders da Pledpierla 2021: Laila Thoma, Bruno Fernandes, Risch Cadonau; Chiara Fröhlich, Lina Margaritta Salzgeber, Sienna Schucany; Jon Andri Guler, Eliana Concetta Josty, Lucia Zanetti, Mara Kern; Milena Gottschalk, Janic Maskos, Sara Kuntner (adüna da schnestra). Cun l'app «EngadinOnline» as poja activar il video davo quistas fotografias chi preschainta ün zücherin da las prelecziuns dals vendschaders.

fotografias: Jon Duschletta

## Imprender meglder rumantsch

die Getränke	las bavrandas / bavrondas
der Apfelwein	il cider esch / asch
der Blauburgunder	il pinot noir
der blumige Wein	il vin cun buket
der Champagner	il schampagn(er)
der Dessertwein	il vin da dessert
der Flaschenwein	il vin in butiglias
der gespritzte Wein	il vin squitto / squitti
der Glühwein	il vin chod
der junge Wein	il vin nuè
der Obstwein	il cider esch / asch
der offene Wein	il vin aviert / avert
der Rotwein	il vin cotschen
saurer Wein	la majastra
der Sauser	il vin nuè
der Schaumwein	in vin s-chimant
schlechter Wein	la sbicha

[www.engadinerpost.ch](http://www.engadinerpost.ch)

## Ingüna festa da musica 2022

**Zernez** La festa da musica districtuala chi vess vairamaing gnü d'avair lö fingià dal 2020 a Zernez d'eira gnüda spostada plüssas jadas e d'eira uossa previsa in gën dal 2022. Qua cha la malsgürezza a regard la pandemia dal coronavirus cuntinuescha e cha arrandschamaints gronds sun pussibels be cun restricziuns e masüras da sgürezza, han ils respunsabels dal district da musica e dal comitè d'organizaziun a Zernez decis fingià uossa da strichar la festa da musica districtuala dal 2022. Sco cha'ls respunsabels scrivan in üna comunicaziun a las medias, nu sajan prouvas da musica normalas amo pussiblas ed ün retuorn illa normalità nu saja amo previsibel e cha uschè nu saja neir pussibel a las societats da's preparar musicalmaing per üna concorrenza da musica. Ch'üna festa da musica saja be realisabla sainza restricziuns e masüras, scrivan ils respunsabels. Cha perquai hajan els stuvü trar quista decisiun fingià ün on ouravant. Cha la festa nu gnia spostada, dimpersè sditta giò cumplettaing. (nba)

## Arrandschamaints

### Teater da famiglia cun set usöls e duos lufs

**La Vouta** Quaint aint in la chasetta spettan set usöls a lur mamma. Coura aint il god spess speran ün luf vegl ed ün luf giuven ad üna bun'ocasion. La pitschna Mia ha temma. Che rumuors sun quai, quia davant porta? Ella as zoppa suot la cuverta da let. Il teater cun figüras «Hand im Glück» giova in trais üna versiun remarquabla, particulara e spiritusa dal classiker «Il luf e'ls set usöls» – ün'aventüra teatresca cun chantöz, sbeglöz ed üerlöz. Quist teater da famiglia cun Benno Muheim, Anna Nauer e Maurice Berthele,

inscenà da Jürg Schneckenburger, vain preschantà in dumengia, ils 6 gën, a las 11.00 a Lavin, per famiglias cun uffants a partir da quatter ons. Organisà vain l'arrandschamaint dals respunsabels da La Vouta, il teater ha però lö illa sala polivalenta da la scuola da Lavin. Reservaziuns sun cusgliadas, access limità da persunas causa corona. Dürant la represchantaziun vala l'oblig da portar üna mascrina per tuot las persunas a partir da dusesch ons. (protr.)

[www.lavouta.ch](http://www.lavouta.ch)

### Exposiziun da textilas da Regula Verdet

**Art textil Sent** La galleria «art textil Sent» preschainta dals 5 fin als 20 gën las ouvras da Regula Verdet da Guarda. L'artista preschainta a Sent ouvras da textilas, per exaimpel tailas tessüdas cun culuors subtilas e purtrets multifaris. Las ouvras han ün effet transparent e suvent in trias dimensiuns. Regula Verdet culurischas ils fils avant cha

quels vegnan tessüts. Ella ha sviluppà üna tecnica aigna e contribuisccha üna tscherta ligerezza in üna lavur artischana tradiziunala.

La vernissascha da l'exposiziun es in sonda, ils 5 gën, a las 14.00. L'exposiziun es averta minchadi (pigliand'oura il lündeschdi) adüna da las 12.00 a las 18.00. (protr.)

### Simposi internaziunal da sculpturas Sur En

**Art Engiadina** La Società Art Engiadina organisescha ingon il 27avel Simposi internaziunal da sculpturas a Sur En da Sent. Dals 5 fin als 12 da gën lavuran artists indigens e da pajais esters vi da lur ouvras. A Sur En da Sent as laschan quist on inspirar da la cuntrada da l'Engiadina Bassa 17 artistas ed artists da tuot il muond. Sülla plazza da campadi sper l'En lavuran els vi da lur ouvras da lain, da metal o da crap.

Il punct culminant da l'eivna dal simposi es la vernissascha da las scul-

Episodas our da la vita richa d'evenimaints da Riet Campell (1866–1951): fundatur da la Bieraria Engiadinaisa a Schlarigna e dal Museum Engiadinaisa a San Murezzan. Autobiografia bilingua in rumantsch e tudasch. 152 paginas, 67 illustraziuns.

#### Vernissascha:

Gövgia, 17 da gën 2021, 14:30h e 20:30h, al Museum Engiadinaisa a San Murezzan

Entreda gratuita. Annunzchas sun necessarias al tel. 081 833 43 33

In vendita illas librarías, Fr. 45.–

o tar [www.gammetermedia.ch/crossmedia/buecher](http://www.gammetermedia.ch/crossmedia/buecher)

